

Rumantsch è ina lingua naziunala, ma ina lingua parzialmain uffiziala da la Confederaziun, numnadaman en la correspundenza cun persunas da lingua rumantscha. La translaziun d'in relasch federal serva a l'infurmazion, n'ha dentant nagina validitat legala.

Translaziun¹

Convenziun da basa per proteger las minoritads naziunalas

Concludida a Strassburg il 1. da favrer 1995

Approvada da l'Assamblea federala ils 21 da settember 1998²

Document da ratificaziun da la Svizra deposità ils 21 d'october 1998

Entrada en vigur per la Svizra il 1. da favrer 1999

(Versiun dals 12 da settember 2006)

*Ils stadis commembers dal Cussegli da l'Europa
ed*

ils auters stadis che suttascrivan questa convenziun da basa,

considerond che la finamira dal Cussegli da l'Europa è da realisar in'uniu pli stretga
tranter ses commembers, per mantegnair e per promover ils ideals ed ils princips che
furman lur patrimoni communabel;

considerond ch'in dals medys per cuntanscher questa finamira è l'observaziun ed il
svilup dals dretgs umans e da las libertads fundamentalas;

giavischond da realisar la Decleraziun da Vienna dals chefs da stadi e da las regenzas
dals stadis commembers dal Cussegli da l'Europa dals 9 d'october 1993;

decidids da proteger l'existenza da las minoritads naziunalas sin lur territori suveran
respectiv;

considerond che las midadas en l'Europa han mussà che la protecziun da las
minoritads naziunalas è essenziala per la stabilitad, per la segirezza democratica e per
la pasch sin quest continent;

considerond ch'ina societad pluralistica e propri democratica na respecta betg mo
l'identidad etnica, culturala, linguistica e religiosa da tut ils commembers d'ina
minoritad naziunala, mabain avess er da crear cundiziuns adattadas che als
possibilitescha d'exprimer, da mantegnair e da sviluppar questa identidad;

considerond ch'igl è necessari da stgaffir in clima da toleranza e da dialog per che la
diversitat culturala possia daventar ina funtauna ed in factur betg da separaziun,
mabain d'enritgiment per mintga societad;

CULF 2002 2630; Fegl uffizial federal 1998 1293

¹ Il text original franzos sa chatta sut il medem numer en l'edizion franzosa da questa
collecziun.

² CULF 2002 2629

considerond ch'il svilup d'ina Europa toleranta e prosperanta na dependa betg mo da la collavuraziun tranter ils stadis, mabain dovra er la collavuraziun transunfinala tranter corporaziuns territorialas localas e regionalas respectond la constituziun e l'integritad territoriala da mintga stadi;

cun regard a la Convenziun per la protecziun dals dretgs umans e da las libertads fundamentalas³ e dals protocols⁴ respectivs;

cun regard a las obligaziuns che concernan la protecziun da las minoritads naziunalas e ch'en cuntegnidas en cunvegas ed en declaraziuns da las Naziuns Unidas ed en ils documents da la Conferenza davart la segirezza e la cooperaziun en l'Europa, en spezial en il Document da Copenhagen dals 29 da zercladur 1990;

decidids da fixar ils princips che ston vegnir observads e las obligaziuns che resultan da quels per garantir en ils stadis commembers ed in ils auters stadis che daventan parts contractantas da questa Convenziun la protecziun efficazia da las minoritads naziunalas sco er dals dretgs e da las libertads dals commembers da questas minoritads respectond il stadi da dretg, l'integritad territoriala e la suveranidad naziunala dals stadis;

avend la ferma intenziun da realisar ils princips fixads en questa Convenziun da basa cun prescripcziuns giuridicas e cun ina politica guvernamentalada adattada,

èn sa cunvegnids sco suonda:

Part I

Art. 1

La protecziun da las minoritads naziunalas e dals dretgs e da las libertads dals commembers da questas minoritads è ina part integrala da la protecziun internaziunala dals dretgs umans ed è sco tala ina part da la collavuraziun internaziunala.

Art. 2

Questa Convenziun da basa è d'applitgar en buna fai, en il spiert da chapientscha e da toleranza ed en concordanza cun ils princips da la buna vischinanza, da las relaziuns amicablas e da la collavuraziun tranter ils stadis.

Art. 3

¹ Mintga commember d'ina minoritad naziunala ha il dretg da decider libramain, sch'ella vul vegnir tractada sco tala u betg; da questa decisiun u da l'execuziun dals dretgs ch'en colliads cun questa decisiun na dastgan resultar nagins dischavantatgs per ella.

³ CS 0.101

⁴ CS 0.101.06/07/09

² Commembers da las minoritads naziunalas pon exercitar e giudair ils dretgs e las libertads che resultan dals princips fixads en questa Convenziun da basa mintgin per sasez sco er en cumpagnia cun auters.

Part II

Art. 4

¹ Las parts contractantas s'obligheschan da garantir a mintga commember d'ina minoritad naziunala il dretg d'egalitat devant la lescha ed il dretg sin la medema protecziun tras la lescha. En quest regard è scumandada mintga discriminaziun per motivs da l'appartegnientscha ad ina minoritad naziunala.

² Las parts contractantas s'obligheschan da prender – sche quai è necessari – mesiras adattadas per promover en tut ils secturs da la vita economica, sociala, politica e culturala l'egalitat cumplecta ed effectiva tranter ils commembers d'ina minoritad naziunala ed ils commembers da la maioritad. En quest regard resguardan ellas commensuradamax las cundiziuns spezialas dals commembers da las minoritads naziunalas.

³ Las mesiras prendidas en concordanza cun l'alinea 2 na vegnan betg resguardadas sco discriminaziun.

Art. 5

¹ Las parts contractantas s'obligheschan da promover las premissas che pussibiliteschan als commembers da las minoritads naziunalas da tgirar e da sviluppar vinavant lur cultura e da mantegnair las parts essenzialas da lur identidad, numnadamax lur religiun, lur lingua, lur tradiziuns e lur patrimoni cultural.

² Senza pregiuditgar las mesiras che vegnan prendidas en il rom da lur politica d'integrazion generala, sa distanzieschan las parts contractantas da finamiras u da praticas che han l'intent d'assimilar ils commembers da las minoritads naziunalas cunter lur veglia, ed ellas protegian questas personas cunter mintga mesira che vul ina tala assimilaziun.

Art. 6

¹ Las parts contractantas promovan il spiert da toleranza e dal dialog intercultural e prendan mesiras efficazias per promover il respect vicendaivel e la chapientscha vicendaivla sco er la collavuraziun tranter tut ils umans che vivan en lur territorio suveran, independentamax da lur identidad etnica, culturala, linguistica u religiusa, e però en spezial en ils secturs da la furmaziun, da la cultura e da las medias.

² Las parts contractantas s'obligheschan da prender mesiras adattadas per proteger umans che pon esser exponidas pervia da lur identidad etnica, culturala, linguistica u religiusa ad acts discriminants, ostils u violentes u a smanatschas da tals acts.

Art. 7

Las parts contractantas garanteschan ch'il dretg da tut ils commembers d'ina minoritad naziunala da sa radunar en moda paschaivla e da s'associar en moda libra, sco er lur dretg d'exprimer libramain l'opiniun e sin libertad da patratg, da conscienza e da religiun vegnian respectads.

Art. 8

Las parts contractantas s'obligheschan da renconuscher che mintga commember d'ina minoritad naziunala ha il dretg da manifestar sia religiun u sia ideologia sco er da fundar instituziuns, organisaziuns ed associaziuns religiusas.

Art. 9

¹ Las parts contractantas s'obligheschan da renconuscher ch'il dretg da mintga commember d'ina minoritad naziunala d'exprimer libramain l'opiniun cumpiglia la libertad da l'opiniun e la libertad da retschaiver e da communitgar novitads u ideas en la lingua minoritara senza intervenziuns da posts publics e senza resguardar ils cunfins naziunals. Las parts contractantas garanteschan en il rom da lur urden giuridic ch'ils commembers d'ina minoritad naziunala na vegnian betg discriminads en quai che concerna lur access a las medias.

² L'alinea 1 n'excluda betg che las parts contractantas suttamettan interpresas da radio, da televisiun e da kino ad ina procedura d'approvazion senza discriminaziun e sin basa da criteris objectivs.

³ Las parts contractantas n'impedeschan betg ils commembers da minoritads naziunals da stgaffir e da duvrar medias stampadas. Entaifer il rom legal per radio e televisiun garanteschan ellas uschè bain sco pussaivel e resguardond l'alinea 1 che la pussaivladad da stgaffir e da duvrar atgnas medias vegnia concedida a commembers da minoritads naziunals.

⁴ En il rom da lur urden giuridic prendan las parts contractantas mesiras adequatas per facilitar als commembers da minoritads naziunals l'access a las medias, sco er per promover la toleranza e per possibilitar il pluralissem cultural.

Art. 10

¹ Las parts contractantas s'obligheschan da renconuscher che mintga commember d'ina minoritad naziunala ha il dretg da duvrar libramain e senza impediments sia lingua minoritara en ils conturns privats ed en la publicitat, e quai a bucca ed en scrit.

² En regiuns, nua che commembers da minoritads naziunals vivan tradiziunalmain u en in dumber considerabel, sa stentan las parts contractantas, sch'ils commembers da questas minoritads pretendan quai e sche quest giavisch correspunda effectivamain ad in basegn, da stgaffir uschè bain sco pussaivel las premissas per che la lingua minoritara possia vegnir duvrada en il contact tranter ils commembers da questas minoritads e las autoritads administrativas.

³ Las parts contractantas s'obligheschan da garantir il dretg da mintga commember d'ina minoritad naziunala da vegnir infurmà, entaifer in termin uschè curt sco

pussaivel ed en ina lingua ch'ella chapescha, davart ils motivs per sia arrestaziun e davart la natira ed il motiv da l'accusaziun pertada cunter el sco er da sa pudair defendar en questa lingua, sche necessari cun agid gratuit d'in interpret.

Art. 11

¹ Las parts contractantas s'obligheschan da renconuscher il fatg che mintga commember d'ina minoritad naziunala ha il dretg da duvrar ses num da famiglia (num dal bab) e ses prenumes en la lingua minoritara, sco er il dretg che quests nums vegnian renconuschids uffizialmain sco che quai è previs tenor l'urden giuridic da la part contractanta respectiva.

² Las parts contractantas s'obligheschan da renconuscher il fatg che mintga commember d'ina minoritad naziunala ha il dretg da montar tavlas, intitulaziuns ed inscripziuns ch'en visiblas per la publicitat, sco er da duvrar outras communicaziuns da gener privat en sia lingua minoritara.

³ En regiuns, nua che commembers da minoritads naziunalas viven tradiziunalmain en in dumber considerabel, sa stentan las parts contractantas en il rom da lur urden giuridic, inclusiv d'eventualas convenziuns cun auters stadis, e resguardond lur relaziuns spezialas, da montar ils numbs locals tradiziunals, ils numbs da vias ed outras indicaziuns topograficas ch'en destinadas a la publicitat er en la lingua minoritara, sche la dumonda per quai è gronda avunda.

Art. 12

¹ Las parts contractantas prendan sche necessari mesiras sin il champ da la furmaziun e da la perscrutaziun per promover l'enconuschiantscha da la cultura, da l'istorgia, da la lingua e da la religiun da lur minoritads naziunalas sco er da la maioritad.

² En quest connex mettan las parts contractantas tranter auter a disposiziun pussaivladads adequatas per la scolaziun da personas d'instrucziun e per l'access a cudeschs d'instrucziun e faciliteschan ils contacts tranter ils scolars e las personas d'instrucziun da differentas gruppas da la populaziun.

³ Las parts contractantas s'obligheschan da promover l'equalitat da las schanzas da commembers da minoritads naziunalas per l'access a tut ils stgalims da furmaziun.

Art. 13

¹ En il rom da lur sistems da furmaziun respectivs renconuschan las parts contractantas ch'ils commembers d'ina minoritad naziunala han il dretg da fundar e da manar agens instituts da furmaziun e da scolaziun.

² Tras l'execuziun da quest dretg na resultan naginas obligaziuns finanzialas per las parts contractantas.

Art. 14

¹ Las parts contractantas s'obligheschan da renconuscher che mintga commember d'ina minoritad naziunala ha il dretg d'emprender sia lingua minoritara.

² En regiuns, nua che commembers da minoritads naziunalas vivan tradizionalmain u en in dumber considerabel, sa stentan las parts contractantas, sche la dumonda respectiva è gronda avunda, da garantir uschè bain sco pussaivel ed en il rom da lur sistem da furmazion ch'ils commembers da questas minoritads hajan pussaivladads adequatas d'emprender la lingua minoritara u da vegnir instruids en questa lingua.

³ L'alinea 2 vegn applitgà senza che l'emprender la lingua uffiziala u l'instrucziun en questa lingua vegnian pregiuditgads da quai.

Art. 15

Las parts contractantas stgaffeschan las premissas necessarias per ch'ils commembers da minoritads naziunalas possian sa participar en moda efficazia a la vita sociala ed economica ed a fatschentas publicas, particularmain a quellas che als pertutgan.

Art. 16

Las parts contractantas renunzian a mesiras che midan las relaziuns demograficas en regiuns che vegnan abitadas da commembers da minoritads naziunalas e che han l'intent da restrenscher ils dretgs e las libertads che resultan dals princips fixads en questa Convenziun da basa.

Art. 17

¹ Las parts contractantas s'obligheschan da betg intervegnir en il dretg da commembers da minoritads naziunalas da stabilir e da tgirar libramain e paschaivlamain contacts sur ils cunfins ora cun personas che vivan legalmain en auters stadis, en spezial cun personas cun la medema identidad etnica, culturala, linguistica u religiosa ubain cun il medem patrimonio cultural.

² Las parts contractantas s'obligheschan da betg intervegnir en il dretg da commembers da minoritads naziunalas da sa participar ad activitads d'organisaziuns nungouvernementalas tant sin plau naziunal sco er internaziunal.

Art. 18

¹ Las parts contractantas sa stentan da far, sche quai è necessari, convenziuns bilaterales e multilaterales cun auters stadis, particularmain cun stadis vischins, per garantir la protecziun da commembers da las minoritads naziunalas pertutgadas.

² Eventualmain prendan las parts contractantas mesiras per promover la collavuraziun transcunfinala.

Art. 19

Las parts contractantas s'obligheschan da respectar e da realisar ils princips fixads en questa Convenziun da basa e da far en quest connex restricziuns, limitaziuns u divergenzas, premess che talas sajan necessarias, mo uschè lunsch che talas èn previsas en convenziuns da dretg internaziunal, en spezial en la Convenziun per la protecziun dals dretgs umans e da las libertads fundamentalas ed en ils protocols

respectivs, ed èn impurtantas per ils dretgs e per las libertads che resultan dals princips numnads.

Part III

Art. 20

Exercitond ils dretgs e las libertads che resultan dals princips fixads en questa Convenziun da basa ston ils commembres d'ina minoritad naziunala respectar las prescripcziuns giuridicas naziunalas ed ils dretgs dals auters, particularmain quels dals commembres da la maioritad u d'autras minoritads naziunalas.

Art. 21

Las disposiziuns da questa Convenziun da basa n'en betg d'interpretar uschia sco sch'ellas concedissan il dretg da pratigar x-ina activitat u da far x-ina acziun che cuntrafa als princips fundamentals dal dretg internaziunal, en spezial da l'egualdad suverana, da l'integritat territorialia e da l'independenza politica dals stadis.

Art. 22

Las disposiziuns da questa Convenziun da basa n'en betg d'interpretar sco restricziun u reducziun dals dretgs umans e da las libertads fundamentalas ch'en garantids sin basa da las leschas d'ina part contractanta u sin basa d'ina altra convenziun, da la quala ella è part contractanta.

Art. 23

Ils dretgs e las libertads che resultan dals princips fixads en questa Convenziun da basa èn da chapir, uschenavant ch'els èn object d'ina disposiziun correspundenta en la Convenziun per la protecziun dals dretgs umans e da las libertads fundamentalas u dals protocols respectivs, en concordanza cun tals.

Part IV

Art. 24

¹ Il Comité dals ministers dal Cussegħ da l'Europa surveglia la realisaziun da questa Convenziun da basa tras las parts contractantas.

² Parts contractantas che n'en betg commembra dal Cussegħ da l'Europa, sa participeschan al mecanissem da realisaziun en ina moda e maniera che sto anc vegnir fixada.

Art. 25

¹ Entaifer 1 onn suenter che questa Convenziun da basa è entrada en vigur per ina part contractanta, transferescha quella al secretari general dal cussegl da l'Europa infurmaziuns cumplettas davart las mesiras legislativas e davart autres mesiras ch'ella ha prendi per realisar ils princips fixads en questa Convenziun da basa.

² Suenter transferescha mintga part contractanta al secretari general regularmain ed uschè savens sco ch'il Comité dals ministers pretenda quai mintga ulteriura infurmaziun ch'è impurtanta per la realisaziun da questa Convenziun da basa.

³ Il secretari general transmetta las infurmaziuns, ch'èn vegnididas transferidas tenor quest artitgel, al Comité dals ministers.

Art. 26

¹ Per giuditgar l'adeguatezza da las mesiras che las parts contractantas han prendi per realisar ils princips fixads en questa Convenziun da basa vegn il Comité dals ministers sostegni d'in comité consultativ, dal qual ils commembers han enconuschientschas professiunalas renconuschidas sin il champ da la protecziun da minoritads naziunalas.

² La cumpozisiun da quest Comité consultativ e sia procedura vegnan fixadas dal Comité dals ministers entaifer 1 onn suenter l'entrada en vigur da questa Convenziun da basa.

Part V**Art. 27**

Questa Convenziun da basa stat a disposizion per la suttascripziun tras ils stadi commembers dal Cussegl da l'Europa. Fin al di da sia entrada en vigur stat questa Convenziun da basa a disposizion per la suttascripziun er a mintga auter stadi ch'è envidà dal Comité dals ministers da far quai. Ella sto vegnir ratifitgada, acceptada u approvada. Ils documents da ratificaziun, d'acceptaziun u d'approvaziun vegnan depositads tar il secretari general dal Cussegl da l'Europa.

Art. 28

¹ Questa Convenziun da basa entra en vigur l'emprim di dal mais che suonda ina perioda da 3 mais suenter il di che 12 stadi commembers dal Cussegl da l'Europa han dà lur consentiment da suttastar a la Convenziun da basa tenor l'artitgel 27.

² Per mintga stadi commember che dat pli tard ses consentiment da suttastar a questa Convenziun da basa, entra quella en vigur l'emprim di dal mais che suonda ina perioda da 3 mais suenter il deposit dal document da ratificaziun, d'acceptaziun u d'approvaziun.

Art. 29

1 Suenter l'entrada en vigur da questa Convenziun da basa e suenter la consultazion dals stadis contractants po il Comité dals ministers dal Cussegl da l'Europa envidar, cun in conclus prendi cun la maioritad previsa en l'artitgel 20 paragraf d dals Statuts dal Cussegl da l'Europa, mintga stadi che n'è betg commember dal Cussegl da l'Europa e ch'è vegni envidà tenor l'artitgel 27 da suittascriverser la Convenziun da basa, ma che n'ha anc betg fatg quai, sco er mintga auter stadi che n'è betg commember dal Cussegl da l'Europa a sa participar a la Convenziun da basa.

2 La Convenziun da basa entra en vigur per mintga stadi che sa participescha l'emprim di dal mais che suonda ina perioda da 3 mais suenter il deposit dal document da participaziun tar il secretari general dal Cussegl da l'Europa.

Art. 30

1 Cun suittascriverser u cun depositar ses document da ratificaziun, d'acceptaziun, d'approvaziun u da participaziun po mintga stadi designar singuls u plirs territoris naziunals, dals quals el segirescha las relaziuns internaziunalas, per ils quals questa Convenziun da basa vegni appligtada.

2 Cun ina decleranza drizzada al secretari general dal cussegl da l'Europa po mintga stadi extender pli tard da tut temp l'applicaziun da questa Convenziun da basa sin mintga auter territori naziunal fixà en la decleranza. La Convenziun da basa entra en vigur per quest territori naziunal l'emprim di dal mais che suonda ina perioda da 3 mais suenter l'entrada da la decleranza tar il secretari general.

3 Mintga decleranza fatga tenor ils alineas 1 e 2 po vegnir revocada areguard mintga territori naziunal numnà en quella cun ina notificaziun drizzada al secretari general. La revocaziun daventa valaivla l'emprim di dal mais che suonda ina perioda da 3 mais suenter l'entrada da la notificaziun tar il secretari general.

Art. 31

1 Mintga part contractanta po desdir questa Convenziun da basa da tut temp cun ina notificaziun adressada al secretari general dal Cussegl da l'Europa.

2 La desditga daventa valaivla l'emprim di dal mais che suonda ina perioda da 6 mais suenter l'entrada da la notificaziun tar il secretari general.

Art. 32

Il secretari general dal Cussegl da l'Europa notifitgescha per ils stadis commembers dal Cussegl, per auters stadis sutsegndaders e per mintga stadi ch'è sa participà a questa Convenziun da basa:

- a) mintga suittascripziun;
- b) il deposit da mintga document da ratificaziun, d'acceptaziun, d'approvaziun u da participaziun;
- c) tut ils termins da l'entrada en vigur da questa Convenziun da basa tenor ils artitgels 28, 29 e 30;

- c) mintga autra acziun, notificaziun u communicaziun en connex cun questa Convenziun da basa.

Per confermar quai han ils sutsegnaders ch'èn autorisads da far quai suttascrit questa Convenziun da basa.

Fatg a Strassburg il 1. da favrer 1995 en englais ed en franzos – il text è liant en tuttas duas lingus – en in sulet exemplar che vegg deponì en l'archiv dal Cussegħi da l'Europa. Il secretari general dal Cussegħi da l'Europa transferescha copias certifitgadas a tut ils stadij commembors dal Cussegħi da l'Europa ed a tut ils stadij che veggan envidadas da suttascriver u da sa participar a questa Convenziun da basa.

(*I suondan las suttascripcziuns*)

Champ d'applicaziun ils 12 da settember 2006⁵

Stadij contractants	Ratificaziun Participaziun (P)		Entrada en vigur	
Albania	28 da settember	1999	1. da schaner	2000
Armenia	20 da fanadur	1998	1. da november	1998
Aserbeidschan*	26 da zercladur	2000 P	1. d'october	2000
Austria*	31 da mars	1998	1. da fanadur	1998
Bosnia ed Erzegovina	24 da favrer	2000 P	1. da zercladur	2000
Bulgaria*	7 da matg	1999	1. da settember	1999
Cipra	4 da zercladur	1996	1. da favrer	1998
Croazia	11 d'october	1997	1. da favrer	1998
Danemarc*	22 da settember	1997	1. da favrer	1998
Estonia*	6 da schaner	1997	1. da favrer	1998
Finlanda	3 d'october	1997	1. da favrer	1998
Georgia	22 da december	2005	1. d'avrigl	2006
Germania*	10 da settember	1997	1. da favrer	1998
Irlanda	7 da matg	1999	1. da settember	1999
Italia	3 da november	1997	1. da mars	1998
Lettonia*	6 da zercladur	2005	1. d'october	2005
Liechtenstein*	18 da november	1997	1. da mars	1998
Lituania	23 da mars	2000	1. da fanadur	2000
Macedonia*	10 d'avrigl	1997	1. da favrer	1998
Malta*	10 da favrer	1998	1. da zercladur	1998
Moldova*	20 da november	1996	1. da favrer	1998
Montenegro	11 da matg	2001 P	6 da zercladur	2006

⁵ Ina versiun actualisada dal champ d'applicaziun stat a disposiziun sin la pagina d'internet dal DFAE (<http://www.eda.admin.ch/eda/de/home/topics/intorg/euroc/coswtr/monito.html>).

Stadis contractants	Ratificaziun Participaziun (P)		Entrada en vigur	
Norvegia	17 da mars	1999	1. da fanadur	1999
Pajais Bass* ^a	16 da favrer	2005	1. da zercladur	2005
Pologna*	20 da decembre	2000	1. d'avrigl	2001
Reginavel Uni	15 da schaner	1998	1. da matg	1998
Republica tscheca	18 da decembre	1997	1. d'avrigl	1998
Rumenia	11 da matg	1995	1. da favrer	1998
Russia*	21 d'avust	1998	1. da decembre	1998
San Marino	5 da decembre	1996	1. da favrer	1998
Serbia	11 da matg	2001 P	1. da settember	2001
Slovachia	14 da settember	1995	1. da favrer	1998
<hr/>				
Slovenia*	25 da mars	1998	1. da fanadur	1998
Spagna	1. da settember	1995	1. da favrer	1998
Svezia*	9 da favrer	2000	1. da zercladur	2000
Svizra*	21 d'october	1998	1. da favrer	1999
Ucraina	26 da schaner	1998	1. da matg	1998
Ungaria	25 da settember	1995	1. da favrer	1998

* Resalvas e declaraziuns.

Las resalvas e las declaraziuns na vegnan betg publitgadas en la CULF, cun excepziun da quellas da la Svizra. Ils texts franzos ed englaiss pon vegnir consultads sin la pagina d'internet dal Cussegli da l'Europa: <http://conventions.coe.int> u vegnir retratgs tar la Direcziun da dretg internaziunal public, Secziun dals contracts internaziunals, 3003 Berna.

^a Per il Reginavel en l'Europa.

Declaranza

Svizra

La Svizra declera che las minoritads naziunalas en il senn da la Convenziun da basa èn en Svezia gruppas da persunas ch'èn – en quai che reguarda il dumber da persunas – pli pitschnas ch'il rest da la populaziun da la Svezia u d'in chantun, possedan la naziunalidad svezia, tgiran relaziuns fixas e duraivlas, ch'existan gia daditg cun la Svezia, ed èn animadas da mantegnair cuminaivlamain quai che caracterisescha lur identitat communabla, en spezial lur cultura, lur tradiziuns, lur religiun e lur lingua.

La Svezia declera che las disposiziuns da la Convenziun da basa che reglan l'applicaziun da la lingua en la relaziun tranter persunas singulas e las autoritads administrativas valian senza pregiuditgar ils princips applitgads da la Confederaziun e dals chantuns cun fixar las linguas uffizialas.

